



Cambridge O Level

SETSWANA

3158/02

Paper 2 Literature

October/November 2024

1 hour 30 minutes



You must answer on the enclosed answer booklet.

You will need: Answer booklet (enclosed)

INSTRUCTIONS

- Answer **four** questions in total:
 - Section A: answer **one** question.
 - Section B: answer **one** question.
 - Section C: answer Question 7 and **one** other question.
- Follow the instructions on the front cover of the answer booklet. If you need additional answer paper, ask the invigilator for a continuation booklet.

INFORMATION

- The total mark for this paper is 75.
- The number of marks for each question or part question is shown in brackets [].

This document has **8** pages. Any blank pages are indicated.

Section A

KAROLO A: KHUTSHWE/PADI

Ela tlhoko: Kwala boleele jwa tsebe le seripa mo potsong nngwe le nngwe.

Araba Potso 1 kgotsa Potso 2.**1** *Papetlana* – M. M. Tselaesele

Bala nopolole e e latelang morago o tle o kgone go araba potso e e latelang:

A gakologelwa mafoko a ga mosadimogolo mabapi le tseo e.
 “O e bona jang rre? A botsa letsatsi lengwe ba reeditse seyalemowa ba ntse ba goduma motogo wa ting o tsatsi leo o neng o ka kgaola tlou monyetsane.
 “O raya ke bona eng?”
 “Nyalo e... ya ga Mosamarea”
 “Ga ke itse tota ... ka le nna ke sa mo itse”.
 “O a tle a tle fa”
 “Ke raya botho... maitsholo jalo, jalo”
 “Ga ke mmone sentle. O na le bofitlhanyana. Ga ke itse gore nka re eng. O na le lefitshwana mo go ena e ka re jwa motho a ikaelela bosula bongwe.
 “O a bo o mmona jang?”
 “Ga ke itse; madi...madi fela”

(tsebe 4–5)

O ikaegile ka mmuisano o o fa godimo, tshalosa ka botlalo fa dipelaelo tsa batsadi ba ga Mosamarea di sa wela fatshe. Tshegetsa karabo ya gago ka ditiragalo tsa padi e.

[Maduo otlhe: 25]

Kgotsa**2** *Setlhoa sa thaba* – O. Gaborone

Sekaseka ka mo bopelonomi jwa ga Matlhomola bo mo neileng botshelo jo bontle ka teng o itshegeditse ka seane se: “Mojamorado ke kgosi”.

[Maduo otlhe: 25]

Section B**KAROLO B: MOTSHAMEKO/TERAMA**

Ela tlhoko: Kwala boleele jwa tsebe le seripa mo potsong nngwe le nngwe.

Araba Potso 3 kgotsa Potso 4.**3** *Leapeetswe* – O. Otladisang

Tlhalosa marara a lerato a a tlhotseng masetlapelo a polao ya ga Tshotlego.

[Maduo otlhe: 25]

Kgotsa**4** *Tiro ga se lefela* – N.K.H. Moncho

Bathapi mo terameng e, ba itshupa ba le dipelotelele. Supa bonnete jwa ntlha e o ikaegile ka ditiragalo tsa terama e.

[Maduo otlhe: 25]

Section C

KAROLO C: POKO

Ela tlhoko: Kwala boleele jwa tsebe le seripa mo potsong nngwe le nngwe.

Araba Potso 5 le Potso 7 kgotsa Potso 6 le Potso 7.

5 *Sefalana sa menate* – L.D. Raditladi

Bala leboko le le latelang morago o tthalose ditiragalo tsa lona ka mafoko a gago. Tsweetswee, se nopole mela ya leboko jaaka karabo.

Sebata

Batho le diphologolo ke bao!
 Batho lo a bona go a fereetsega
 Sebata se se mariri ke seo!
 Se itaanya loleme jaaka noga
 Ngwana wa motho a taboga letšheetšhee.
 Le phologolo e maatla leraaraa,
 Ngwana wa yona e mo sia fela e phara.

Go maswe tlhe, go dithole dikgweng!
 Sebata se mariri se a bolaya,
 Phokojwe ena o tshega fela nageng;
 Se mariri se tsoga se mmolaya.
 Dikgomo ga di ikitse botshelo,
 Le beng ba tsona ba a di tlhoboga,
 Sebata se di loma se tshega.

Sebata sa naga se a tshabega,
 Se ja kgomo se phure le motho,
 Ga se na nako epe ya go diega
 Fa se leka go gataka batho.
 Ga se na le ngwana se mo tsetse,
 Se mo phamola fela ka mala,
 Se mo gagole fela a ntse a lela.

Batho ga lo bolo go hupela,
 Batho a lo ko lo kue lo ko lo ikuele.
 Sebata se tlaa dika se bolaya;
 Tsayang marumo lo ko lo inamole.
 Seganka ga se ile go bolawa,
 Lefatshe la sala le ikhutsitse,
 Le kgomo tsa lala di robetse.

Se mariri se ntshitse loleme,
 Se lorile se iletsa lenaga,
 Dikudubane le khudu di eme,
 Di se na le ape maano go loga,
 Sebata sa naga se a dubaka;
 Se tsentse 'roo la pele selageng,
 La morago le bina morageng.

Sebata se mariri se a suma,
Se tsamaya se le matlho a kwano;
Nkabo ke na le kodu ka duma
Ka etsa sebata nageng ya mono,
Ka re, sebata boa ke a rapela,
Gwanta fela tlhe, ka bogoma o boe,
Ka bodipa, phologolo, ke sie.

Le tlhobolo nna ga ke a e tshola,
E tshotswe ke thaka tse dikgolo,
E tshotswe ke balatlhi ba bola;
Ba sa tlhokeng marumo a tlhobolo.
Sebata se segolo sa sera,
Setumane se boa se dumile,
Se dumang fela se sa itumele.

[Maduo otlhe: 15]

Kgotsa

6 Lookana – R.F. Mokobi

Bala leboko le le latelang morago o tthalose ditiragalo tsa motse wa Shoshong ka mafoko a gago. Tsweetswee, se nopole mela ya leboko jaaka karabo.

Shoshong

Ke palame marotobale ka rotobala,
Ka leba ka fa bophirima ka fa dikgageng
Ka fitlhela thaba e ikadile phate,
Ba e bitsa leina Shoshong ga Mmakgama
Leina seromo ga le tewe fela
Ya re go le bitsa dioka tse dikgolo di bo di tsetswe.

Shoshong ga se motsana motse,
O boletswe le ke boMonare Livingstone,
Ba re ba fitlhetse lentswetshipi ba le letsa
La tserema go bitsa baphuthegi go goga phuthego
Difela tsa bolela fa leina e le je legolo,
La bolela fa masedi a tlaa ba phatsimela
Bosa bo tlaa ba sela go goga setšhaba.

Ba kgaratlhile boora Kgamane motse o eme ka dinao,
Ditlhabololo di tsenye motseng re a di bona
Dikole di runya jaaka maboa seolong nageng,
Le ba itse ba ditso ba bolela fa Shoshong e le motse wa tlolego,
Ba bolela fa bajanala ba tswa pelo go ikabela serwe,
Go tla go gata fa go gatileng boMatsieng bogologolo.

O di gogile kwa pele Goareng Mosenyi re bonye,
Bangwe e rile ba utlwa leina ba tshoga,
Ba gopola ke mosenyi o tlaa tsoga a re senyeditse.
Ntenko ke monna o tsile go boloka setšhaba
A di tlogela le Esther Mosenyi ditlhabololo.
A re, nnaka tsaya thari o belege setšhaba
Ka o le mosadi o tla lela le ba ba ditlhabi,
O tlaa tsholela bana legodu go lalela ka lone.
O a kua mosadi a re, "A ditlhabololo di tsene motse!"
Shoshong a pekenye dipone jaaka toropo
Tsela e relele ka pilo e ntsho sekgweng,
Motse le seporo e nne nko le molomo
Bana ba khutlise go nna dirukhuthi,
Ba tsenelele ditiro tsa diatla ba itirele
Ka lerotse la mokopu ga le na kgodu.

[Maduo otlhe: 15]

7 *Masalela a puo* – M.S. le N.H Kitchin

Bala leboko le le latelang morago o arabe dipotso tse di tlhagelelang kwa bokhutlong jwa lona.

Johane Bunyane

E rile ke raletse bogare jwa naga
Ka fitlha felo gongwe ga logaga;
Ka itatsa tlhogo teng mme ka lora
Ke bona mongwe a tswele makatana.

Ka bona a huletse ga gagwe
Ke buka seatleng e petlekilwe;
Ka bona a phutholola a ba a bala
A re, “Ke tlaa dirang go bolokwa?”

Ka leba mme tsatsi la kotlomela,
Lotlatlana le lone lwa gogomela;
Ka bona lefifi le apesa lefatshe,
Le dibopiwa di ya go ipaya fatshe.

Ka bona jaaka a boela ga gagwe,
Ka bona a lobela ba ntlo ya gagwe;
Ka lemoga tlalelo e mo hubolola,
Ka ba ka bona le a wela tsela.

Ka bona ba rakana le Moefangele,
Ene a mmontsha lesedi kwa pele;
Ka utlwa a goa bosakhutleng,
Matlho a lebile sedi le sa timeng.

- (a) Tlhalosa toro ya ga Johane Bunyane ka bokhutshwane ka mafoko a gago. [7]
- (b) Neela sekao sa tlogelo mo lebokong le. [1]
- (c) Neela sekao sa tlhatlagano/tepatepano go tswa mo lebokong le. [1]
- (d) Lesedi le le bontshiwang Johane Bunyane ke eng? [1]

[Maduo otlhe: 10]

BLANK PAGE

Permission to reproduce items where third-party owned material protected by copyright is included has been sought and cleared where possible. Every reasonable effort has been made by the publisher (UCLES) to trace copyright holders, but if any items requiring clearance have unwittingly been included, the publisher will be pleased to make amends at the earliest possible opportunity.

To avoid the issue of disclosure of answer-related information to candidates, all copyright acknowledgements are reproduced online in the Cambridge Assessment International Education Copyright Acknowledgements Booklet. This is produced for each series of examinations and is freely available to download at www.cambridgeinternational.org after the live examination series.

Cambridge Assessment International Education is part of Cambridge Assessment. Cambridge Assessment is the brand name of the University of Cambridge Local Examinations Syndicate (UCLES), which is a department of the University of Cambridge.